

ընդ տարուբերեալ օյտմունս երկայնայածուկ ճանապարհին՝ ընդ որ մին դիմէր 'ի հայրենիս և միւսս յղարկէր, երկաքանչիւր հաւասարք յանձկութեւ : Ընդ և ընդ դժնդակագոյնսն քան զնոսին, ո՛հ ո՛հ, ընդ բազմալտանդ օձաձև կենցաղոյս բաւիղս, դու ինքն, այսուհետեւ անցուցեալ զնոսա աղաչեմ, 'ի միակն յայն հուսկ ապա յարահետն 'ի քո կառուսցես երկնաշու պողոտայ, որ միայն գիտէ հանել 'ի հանգիստ զհոգիս հիւծեալս 'ի դարձադարձ դեզերմանց հովտիս լալօնից :

Հ. Ղ. Ս

Բան. Աղեւծեան Զարուբեան :

Ընդ մեկնիմք, ահա կորզիմք 'ի հայրենի ձեր գրկաց, և երբ խօսեսցուք եթէ այլ ևս աղիւտեալ կացցեն բերանք. ահա հասին մեր յետին ժամք. փոքր միւս ևս և այլ չկայ մեզ վայելել 'ի տեսութիւն ձեր, և դեռ զսպեալ արգելցին սիրտք 'ի յանձուկ ծոցի. օն ժամէ տեղի տալ անզուսպ կրից սրտի, զի խիստ է սրտի ընկուզելոյ յանդունդըս բարեաց ժուժալ լուել 'ի սպառ : Եւսկէտ աղկաղկ շրթունք զինչ զօրեացն թարգման կալ ներքին մարդոյն, սակայն լաւ է թոթովել ինչ քան լուռ կալ ամենեւին :

Եւստ իսկ լցուցին զմեզ, ով հարբ, առ 'ի ձէնջ զեղեալ տարափք երախտեաց. շատ իսկ 'ի հայրսիննամ սրտիցդ բղխեցին մեզ սահանք հայրագորով սիրոյ : Եւս ոչ գտաք երկիր հիւթեղ բեղմնաւոր՝ փոխարինել հարիւրապատիկ տոհմականօք զառ 'ի ձէնջ մեզ շրջալեալ զանինայ վաստակս և բրտունս, սակայն կրեմք անշուշտ սիրտ հայրասէր որդեկաց, որ ոչ ապախտ առնեն և զդոյզն ինչ նիշ հայրագութ ձեր սիրոյ :

Երեցէք անժոյժ զարմանացս, ով հարբ որդեսէրք. զինչ զձեզ շարժէ յայսչափ սէր և գութ առ օտարս որդիացեալս ձեզ. զի ոչ նպաստէ ձեզ յայս բնածին գորով աղեաց ծնողի. զինչ այլ քան թէ վեմաւառաքինութիւն անձնեղ կերպարանեալ 'ի ձեզ, և իղձք ազգասէրք որով, ով հարբ հայրենեաց, իբրեւ տանուտեարք մեծի ընտանեաց, ոչ այլ ինչ հոգայք և երկնէք բայց միայն զօգուտ ազգիս : Եւսանի մեզ, որ միայն արժանի գտաք 'ի միջոյ համօրէն ազգիս՝ տեսութեան հասարակաց հարցդ մերոց, և 'ի մօտոյ գգուեալ 'ի ձէնջ մարթիմք դոյզն բանիւ մատուցանել ձեզ զերախտապարտ շնորհակալիս մեր : Եւս շատ է մեզ երանելի զանձինս վարկանել զամենայն աւուրս մեր, և որոց 'ի հեռաստանէ 'ի համբաւոյ ծանուցեալ ըզձեզ գովութիւն հարկանիցեն ձեզ, պանծալ բարձրագլուխ թէ մեք առ ոտս նոցա սնաք և յար 'ի տեսութիւն նոցա վայելեցաք :

Եւս քեզ մանաւանդ, ով հայր հարց մերոց, քեզ առաւել քան այլ ումեք սիրտք մեր սիրայեղցք շնորհապարտ ճանաչեն զանձինս, որ կորզեալ զմեզ 'ի հայրենի գրկաց, մանաւանդ թէ յայլ փոխադրեալ ծոց հայրենի հասուցեր զմեզ յայս երանութիւն, և շնորհունիմք զեղեցիկ բաղդին որ դարձեալ հայր կարգեաց մեզ զքեզ, և արդ արժանի գտանիմք ընդունել 'ի քէն զյետին օրհնութիւնդ : Եւս քեզ երբեմն գրտեալ հայր որդեսէր՝ փոփեցաք ընդ բաժանին 'ի ծնողաց. արդ ո՞ մեզ միութար ընդ անջատումնս 'ի նմին բաղքը հօրէ հարց մերոց :

1 Աստղանիչո այս բան ակնարկէ 'ի դէպս ուղեորութեան մանկուայն 'ի Թրեւոս քաղաքէ 'ի Վեննա ընդ ցամաք, և անտի ապա դանուբեան շոգեհաւուք ընդ Էլքսինեանն Պոմոռոս 'ի Բիւզանդիոն, ուր և ժամանեցին ողջամբ 'ի 16 Յուլիսի :